

նութեամբ պատահեցան Մոսկովի զօրքն մեր թագաւորի զօրացն . և էին Մոսկովցիքն 30,000 հոգի, և սորա 16,000 հոգի, և հարին ընդ միմեանս . և իսկոյն ժամու սորա զնոսա կոտորեցին մինչեւ իսպառ . զոր ոչ ոք փախեալ ի Մոսկովի զօրաց . զպմենեսեան սատակեցին: Եւ աստ կատարեցաւ մարգարէութիւն պարագլուխ մարգարէին Մովսէսի, եթէ, մինն զհազարս և երկուքն զբիւրս . ի փառս Աստուծոյ: Եւ յորժամ այս բարի քաջ և յաղթող համբաւն եկաւ ի Կամենիցս, նայ մեծ ուրախութիւն և ցնծութիւն կատարեցին քաղաքս, ամենայն քաղաքացիքն առ հասարակ զԱստուած օրհնեցին . և նմա փառք և զոհութիւն մատուցին, որ տայ հաւատարիմ ծառայիցն այսպիսի քաջայաղութիւն: Բայց Ըռուս ազգն լցան նախանձու, և ոչ կատարեցին զայս ցնծութիւն, և նա և ոչ Աստուծոյ զոհութիւն մատուցին . վասն զի թագաւորին մերոյ թշնամիք են և ամենայն հաւատացեալ քրիստոնէից: Բայց հատուցէ նոցա Տէր ըստ չարութեան սրտից նոցա:

1562. ԹՎ. ՌԺԱ. Դեկտ. ԺԸ. ի ժամանակին Տեսրոթին երկրորդում աւի պարոնութեան նմին, զԼապին ուրացաւ և զիւր երգումն ստեց, զոր բազում անկամ երգուաւ նմա ի վերայ Խաչելութեանն Քրիստոսի . զոր խոստացել էր նմա զիւր երկրին զկէս պարոնութիւն, վասն նորա երախտաւորութեան համար: Եթէ որչափ ինչ արար ընդ նմա Բան Լապիյն, զոր գրեալ է ի մէջ այսմ թղթիս առաջագոյն . զոր կարող են հաւատարիմ ընթերցողքն ի միտ առնուլ զամենայն ինչն Բան Լապիյին: Իսկ նա իբրեւ ապստամբ ոք ուրացաւ զնա . և զԽողինու բերդն էառ ի նմանէ . և զԲիտոցքին՝ զոր իշխանութեամբ Լապիին էր նստեալ ի մէջ բերդին՝ եհան . և զՍլախ պուկապաներն եղիր ընդ իւր իշխանութեամբն: Եւ այսպիսի նորա ապստամբութիւն իւր գլխոյ կորստեան նշանակ է . զոր անձամբ իւրով զանձն իւր դատապարտեաց:

1562. ԹՎ. ՌԺԱ. Հայոց ազգիս Տէր Ստեփաննոս Արքեպիսկոպոսն եկաւ ի Կամենիցս, ստոյգ և ճշմարիտ ճանապարհաւ . և եկաց ի Կամենիցս՝ ի Հրեշտակապետացն մինչեւ ի Տնօրէութիւն Քրիստոսի . և ապա գնաց յԻրով քաղաքն, և անդ ընդունելի և պատուելի եղաւ քրիստոնէից . և ապա դարձեալ եկն ի Կամենիցս: Եւ էին ընդ նմա Տէր Չաքարեայ եպիսկոպոս, և Տէր Դաւիթ վարդապետ, և Լուսիկ անուն սարկաւազ մի . զոր մեզ եկին, և զՍ . Լուսաւորչին օրհնութիւն ետուն: Բայց մեծ զարմանք զմեզ կալաւ, որ ի յայտ աշխարհս զՍ . Էջմիածնայ զկաթողիկոս տեսաք . վասն զի յօրէ յօրմէ հետէ զՍ . Էջմիածնայ աթոռն կարգել է Ս . Լուսաւորչին մեր Հայոց ազգիս՝ մինչեւ ցայժմ կաթողիկոս ի այս աշխարհս բնաւ ոք չէր տեսեալ, զոր մերոյ տեսեալ, և Աստուծոյ փառս մատուցեալ . որ զմեզ այնպիսի ճշմարիտ քահանայապետին տեսոյն արժանացոյց:

1563. ԹՎ. ՌԺԲ. Եկաւ Մոսկովի զնազն ի թագաւորի աշխարհն, և զԲուրցքս քաղաքն էառ . բայց ոչ իւրով կարողութեամբ, այլ չար և վատ Բ-